

Ina visita ad in manader da chauns da lavinas

Autor(en): **Schaniel, Annalis**

Objektyp: **Article**

Zeitschrift: **Actio : ein Magazin für Lebenshilfe**

Band (Jahr): **95 (1986)**

Heft 7: **(Un)dressierbare Zukunft?**

PDF erstellt am: **20.04.2024**

Persistenter Link: <https://doi.org/10.5169/seals-556770>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ina visita ad in manader da chauns da lavinas

Var 300 equipas da chauns da lavinas èn il mument en acziun en l'entira Svizra. In commember da l'equipa da la Secziun Savognin è il manader da chauns da lavinas Piero Wasescha da Savognin.

Von Annalis Schaniel

«Actio»: Quant ditg lavuras Ti gia cun Tes chaun?

Piero Wasescha: Quai èn ussa 7 onns. Jau al ha cumprà cur ch'el era fitg giuven ed ha cumenzà cun la dressura cur ch'el aveva ca. 2 onns.

Tgi u tge ha intimà Tai da «lavorar» cun in chaun da lavinas?

Jau hai in plaschair spezial vi da tut ils animals e cunzunt vi da chauns e forsa er perquai che mes padrin lavorava gia cun in tal chaun. Perquai hai jau cumprà mez in chaun nurser tudestg.

È quella razza la pli adattada sco chauns da lavinas?

Betg mo quella. En general pudess' ins dir che tut ils chauns cun pail lung sajan adattads (pli gronda resistenza cunter il fraid), p.ex. chauns appenzellais, chauns nursers belgais, chauns bernardins, etc.

Tge scolaziun ston ins far e tgi porscha quella?

La scolaziun vegn organisada dal Club Alpin Svizzer (CAS) e consista da trais curs, q. v. d. mintg'onn in curs d'in'emna. Tar quests curs datti 3 brevets: A, B e C. Sche tut va bain po in chaun e ses patrun cuntanscher la categoria C, er numnada elita, entaifer 3 eniverns.

Pudessas Ti skizzar curta-main quests trais brevets?

Per cuntanscher il brevet A sto il chaun esser abel da chattar en curt temp dus personas cuvridas da naiv en ina rusna; per il brevet B il medem, però entaifer in revier nua che las personas èn cuvridas independentmain ina da l'autra, e per il brevet d'elita (C) èsi necessari ch'il chaun chattia la persona e ses satgados. Quai è fitg difficil perquai ch'il satgados è gea in object mort. Per cuntanscher quest stgalim dovri fitg

blers exerchezis e blera pazienza davart dal patrun e confidenza vicendaivla.

Ti has gia 3½ onns il brevet C. Stos ti far ulteriurs curs?

Suenter avair retschavi il brevet C pon ins far ina pausa d'in onn. Lura ston ins ir 1 giada l'onn 1 di entir a confirmar quest brevet. Reusseschan las emprovas da controlla èsi en urden, cas cuntrari ston ins re-



DEUTSCHE ZUSAMMENFASSUNG

In der ganzen Schweiz gibt es nahezu 300 Lawinenhundeequipen. Eine davon ist die Sektion Savognin. Ich habe einem Mitglied dieser Sektion, dem Hundeführer Piero Wasescha von Savognin, einen Besuch abgestattet.

Er arbeitet bereits seit 7 Jahren mit seinem jetzt 9jährigen Hund. Neben dieser Hunderasse (Piero besitzt einen deutschen Schäfer) seien alle «langhaarigen» geeignet, da sie viel resistenter sind gegen Kälte. Der SAC bietet jedes Jahr Kurse an um die verschiedenen Brevets, A–C, zu erlangen. Piero Wasescha ist bereits 3½ Jahre im Besitz des Brevets C oder auch Elite-Brevet genannt. Jedes Jahr müssen er und sein Hund eine kleine, eintägige Prüfung ablegen. Die besteht aus einzelnen Stichproben, welche das Können des Lawinenhundes und seines Führers prüfen. Piero war auch schon einige Male im Einsatz. Letztensmal, voriges Jahr, am Piz Curvér, wo drei Personen gerettet werden konnten, während eine leider nur noch tot geborgen werden konnte. Für einen Einsatz sind die folgenden Dinge unabdingbar: Sondierstange, Lawinenschaukel, Barifox und natürlich warme Kleider, Tee und Proviant für verschüttete Personen. Je nach Grösse der Lawine stehen bis zu 20 Hunde oder auch mehr im Einsatz, wobei jeder Hund, je nach Kategorie, von 30 Minuten bis zu 1½ Stunden in Aktion ist. Auf die Frage, ob er sich eventuell auch für die Arbeit mit Katastrophenhunden interessieren würde, antwortete er: «Es ist mir wichtig, diese Arbeit gemeinsam mit Freunden und Bekannten auszuführen. Diese Gelegenheit bietet sich mir hier. Die nächste Equipe für Katastrophenhunde befindet sich erst wieder in Chur. Aus diesem Grunde ist es mir lieber, in meiner Region bei meinen Freunden zu bleiben.»

peter il brevet C u forsa perfin B, tut tenor las prestaziuns dal chaun.

Tge chapita en cas concrets?

En cas concret survegn quel che stat sin pichet in telefon da la polizia chantunala, en noss cas da Savognin. Lura alarmescha el in auter e.u.v. tenor il sistem da la chadaina da telefon. Nus vegnin lura transportads il pli spert pussaivel, tut tenor il lieu e la situaziun da l'aura, cun il helicopter, cun autos (u che nus gain sez cun ils skis) al lieu correspondent. Là sa chatta il comandant da piazza. El ans dat las instrucziuns necessarias.

Co èn las schanzas da chattar insatgi?

Quai dependa da las circumstanças: aura, vent, grondezza da la lavina (pli gronda che la lavina è e dapli chauns ch'èn en acziun, p.ex. per ina lavina da 500×800 m èn 20 chauns sin il plaz). Mintgamai 6–7 chauns tschertgan 1–1½ ura e vegnan lura barattads cun 6 auters.

Tge equipament purtais vus cun vusezs?

3 objects indispensabels èn: la stanga da sondar, la pala da lavinas ed il Barifox (u er numnà «Piepser» che tschertga personas cuvridas) e natiralmain vestgadira chauda, folias che dattan chaud, té e marena.

Essas vus dus gia stads en acziun tar cas concrets?

Gea, l'onn passà p.ex. sin Ziteil sur Salouf. 3 personas han pudì vegnir salvadas entant ch'ina ha deplorablmain stui laschar la vita.

Sper la lavur cun ils chauns da lavinas datti er quella cun chauns da catastrofes. N'avessas Ti betg gust da midar ina giada er en quella direcziun?

Atgnamain bain, però la proxima gruppa sa chatta pir puspiè a Cuira. E jau vuless tuttina collavurar cun enconuschents ed amis. Questa pussaivladad hai jau qua e perquai pens'jau da restar vinavant en quella regiun. □